

Guangjisi Minzcuz Bau

ganhhau: CN45-0036 B.2015 Nd.9 Ng.2 liggaueq ietfeih nienz ndwencaet ngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3189期

Swcigih Minzvej Haenqrenz Haeujcoengh Gak Dieg Guh Hongsaeh Gvangjbo Denyingj Densi Vah Minzcuz

自治区民委大力支持各地推进民语广播影视工作

Gaenh bi daeuj, Swcigih Minzvej laebdaeb haenqrenz haeujcoengh gih raeuz gak dieg guh hongsaeh hwngfat gvangjbo denyingj densi vah minzcuz.

It dwg laebdaeb heuh nem cingjgouz Cunghyangh nem guekgya. Bi' gvaq, bineix daengx guek "song hoih" nem seiz wng, Daengx Guek Yinza daibauj, Swcigih Minzvej cujyin Luz Yenbenj cungj ca ndei gihvei, oksing nem cingjgouz guekgya haeujcoengh gih raeuz gyarengz guh hong gvangjbo denyingj densi vah minzcuz, daegbied aeu dauqfuk gvangjbo cezmuz binzli Vahcuengh, laebdaeb haenqrenz haeujcoengh gih raeuz,

hawj Gvangsiah Densidaiz, Gvangsiah Yinminz Gvangjbo Dendaiz ndaej gya cezmuz Vahcuengh, gyalai cezmuz neiyungz, gya raez book seizgan, hai veisingh densi binzdau nem binzli Vahcuengh daengj.

Ngeih dwg comz vunz guh ciendaez diucaz. 2013 nienz, Swcigih Minzvej nem Swcigih Minzyijvej, Swcigih Gvangjdengiz doxgap guh diucaz, cienmonz caz gij cingzvang gih raeuz vunz saujsu minzcuz cojyouq yungh vah saw. 2014 nienz, Swcigih Minzvej doenghboux lingjdauj daeuz lij daegdaengq guh diucaz yenzgiu, caz rox gak dieg guh hongsaeh gvangjbo

denyingj densi vah minzcuz. Guh gij hong neix, baezlaeng dingh cwngeuz, laeb faplwd nem baihgwnz ok geiqmaeuz couh miz baengzawq haemq sijsaeq.

Sam dwg gaenxmaenx bangcoengh cienzngaenz. Yienznaeuz Swcigih Minzvej cienz mbouj lai, hoeng hix roengz cienz rengz haeujcoengh gak dieg guh hongsaeh gvangjbo denyingj densi vah minzcuz. Dangqna, daengx gih gaenq miz Cungzcoj Si nem 21 aen yienh(si, gih) haibo lanzmuz gvangjbo densi vah minzcuz, baugvat Vahcuengh, Vah Yauzcuz, Vah Myauzcuz, Vah Dungeuz.

(Swcigih Minzvej)

SIUSIK DINJ

简讯

● 8 nyied 26 hau, Youq Yungzanh Yen Cangzanh Cin Veiysiz, Yungzanh Yenvej Dungcanbu caeuz Gveilinz Si Yizfungh Gihvej Dungcanbu comz Yizfungh Gih 5 aen giyez caeuz Yungzanh Yen 5 aen mbanjhoj ciem sawhezyi, gyeobdoi doxcoengh, hawj dieg gungzhoj lai vaiq byaij haeuj siujganh sevei, vunz gungzhoj gyavaq duethoj baenzfouq.

(Cinz Ginghoz)

● 8 nyied 26 hau, Gveigang Si Minzcunghvej fat cienzngaenz bangcoengh haeujhag hawj 25 boux hagseng, gyoengqde dwg hagseng maenhndei saujsu minzcuz ranz daegbied gungzhoj. Fat gij cienzngaenz neix hawj gyoengqde ndaej haeujhag. Sam bi daeuj, aen danhvei neix gung coengh 93 boux hagseng, gung fat 21.2 fanh maenz.

(Veiz Giva)

● Bineix sujyay, Lungzswng Gak Cuz Swciyen roengz 600 lai fanh maenz, gajguh gij laeuz ndaw cungh siuj yozyau, baugvat laeuzsonhag, yindungcangz, laeuz hagseng ninz, sizdangz hagseng daengj, caenh'itbouh gajnde diuzgen banhhag, hawj lauxsae nem hagseng lai vuenyungz angqyangz.

(Banh Cisiengz Yangz Yencaiz)

● 8 nyied 25 hau, Gveibingz Si Cwnghaz gawjhengz yizsi fat cienzngaenz bangcoengh dayozswng moq; miz 24 boux ndaej cienz banghag, moix boux 3000 maenz. Ciuq cam rox, Gveibingz Si Cwnghaz Gien Cien Banghag Hezvei daj 2007 nienz daeuj, ciuheuh doenghboux gyaec coengh, gung gien 178 fanh lai maenz, coengh 2059 boux hagseng cingciz ndei, ranz gungzhoj de ndaej doegsaw.

(Cenz Libingh)

● Gaenh bi daeuj, Lozcwnz Mulajcuz Swciyen haenqrenz sonyinx nungzminz dajndaem makit, gajnde vanzging, hawj nungzminz ndaej laisou. Dangqna, daengx yienh ndaem miz 7.5 fanh moux makit. Ciuq cam rox, bineix aen yienh neix guj sou makit 9000 dun, canjciz 6300 fanh maenz.

(Se Sinyenz)

Yungzsuij: Gak Cuz Ginzung Youq Ndaw Raemx Yienj Cezmuz Sim'angq Lai

融水:各族群众水上狂欢节目多



8 nyied 28 hau, youq Yungzsuij Myauzcuz Swciyen Vanghdung Yangh, gak cuz ginzung angqvauvau dwk daeuj yienj cezmuz guhang, baugvat youq ndaw raemx doxdax bengcag, doxdax dwkgienz, vad faz, bau aendomq, suek faengx daengj, angqyangz dwk gvaq caet nyied cibngux. Ndaw doz dwg vunz dangdieg cingq youq ndaw raemx yienj cezmuz bau aendomq.

(Gung Siengz-youj/龚祥友 ingj)

Vanzgyangh: Gya Yaenq Sawson Vwnzva Minzcuz Dangdieg

环江:加印民族文化乡土教材

Duenh gonq, Vanzgyangh Mauznanzcuz Swciyen Minzcunghgiz nem Vwnzva Dijyuz Giz doxgap okbanj 《Gojgaeq Ndawbiengz Mauznanzcuz Senj Doeg》. Bonj saw neix soucomz le 100 lai cit gojgaeq, baugvat gojgaeq riuzgang sienbaed, gojgaeq vunz, gojgaeq doenghyienh daegsaek, gojgaeq doihduz nem vah-

riu daengj gvendaengz Mauznanzcuz.

Yienznaeuz bonj saw neix gaenq cingqsik okbanj, hoeng mbouj gaeuz yungh. Geij ngoenz gonq, Vanzgyangh Mauznanzcuz Swciyen Minzcunghgiz lai fuengmienh comz cienzngaenz, caiq roengz 5 fanh maenz, gya yaenq 6000 bonj, caemhcai dangguh sawson miz daegsaek dang-

dieg, dajsuenq youq bineix 9 nyied duenh haihag, fat hawj daengx yienh gak cungh siuj yozyau gak boux hagseng.

Ciuq cam rox, bonj saw neix daih'it baez okbanj, couh gung okbanj le 16000 bonj.

(Danz Su'myauz/谭素苗 Veiz Vwnjbangh/韦稳邦)